

11/25-0  
BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
SLUŽBA ZA RAZVOJ

— 01 —

Broj: 15-45-24846/25  
Zenica, 12.12.2025. godine

**GRADONAČELNIK**

**PREDMET:** Prijedlog Odluke o istupanju Grada Zenica iz članstva Regionalne ekonomske zajednice „REZ“ d.o.o. Zenica - prijedlog tačke za dnevni red naredne sjednice Gradskog vijeća, dostavlja se

Poštovani,

Služba za razvoj dostavlja Vam Prijedlog Odluke o istupanju Grada Zenica iz članstva Regionalne ekonomske zajednice „REZ“ d.o.o. Zenica, sa pripadajućim obrazloženjem, pripremljen u skladu sa relevantnim zakonskim, statutarnim i osnivačkim aktima.

Prijedlogom se predviđa da Grad Zenica, kao suosnivač REZ Agencije, okonča svoje članstvo u Društvu, imajući u vidu:

- da Grad Zenica već raspolaže vlastitom Lokalnom razvojnom agencijom – ZEDA – koja ostvaruje značajne, mjerljive i kontinuirane rezultate u oblasti poduzetništva, inovacija, investicija i implementacije razvojnih programa,
- da je racionalno i opravdano budžetska sredstva usmjeravati ka jačanju lokalnih razvojnih kapaciteta.

Otkazivanjem navedenog članstva prestaju sva prava i obaveze koje Grad Zenica ima prema Regionalnoj ekonomskoj zajednici „REZ“ d.o.o.

S obzirom na navedeno, predlažemo da se ovaj akt uvrsti kao posebna tačka dnevnog reda na narednoj sjednici Gradskog vijeća.

**PRILOG:**

1x Prijedlog Odluke o istupanju Grada Zenica iz članstva REZ d.o.o. Zenica  
1x Obrazloženje uz Prijedlog Odluke

Dostavljeno:  
1x Naslovu  
1x a/a



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
GRAD ZENICA  
GRADSKO VIJEĆE

**PRIJEDLOG**

**Broj:**  
**Zenica, \_\_\_\_ . \_\_\_\_ . 2025. godine**

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09) i člana 21. Statuta Grada Zenica („Službene novine Grada Zenica“, broj: 5/15), a u vezi sa članom 332. i 334. Zakona o privrednim društvima („Službene novine Federacije BiH“, broj: 81/15 i 75/21), članom 58. Statuta Regionalne razvojne agencije za regiju Centralna BiH/Regionalne ekonomske zajednice „REZ“ d.o.o. Zenica, broj: 00-1/08 od 29.04.2008. godine, te članom 33. Ugovora o osnivanju Društva sa ograničenom odgovornošću „REZ“ d.o.o. Zenica, broj: 01-1/04 od 24.02.2003. godine, Gradsko vijeće na \_\_\_\_ sjednici održanoj \_\_\_\_ . \_\_\_\_ . 2025. godine, donijelo je

**O D L U K U**

**o istupanju Grada Zenica iz članstva Regionalne razvojne agencije za regiju Centralna BiH/Regionalne ekonomske zajednice „REZ“ d.o.o. Zenica**

**Član 1.**

Grad Zenica istupa iz članstva Regionalne razvojne agencije za regiju Centralna BiH/Regionalne ekonomske zajednice „REZ“ d.o.o. Zenica.

**Član 2.**

Ovlašćuje se Gradonačelnik da poduzme sve potrebne aktivnosti u vezi istupanja Grada Zenica iz članstva Regionalne razvojne agencije za regiju Centralna BiH/Regionalne ekonomske zajednice „REZ“ d.o.o. Zenica.

**Član 3.**

Odluka stupa na snagu danom donošenja, a objavit će se u „Službenim novinama Grada Zenica“.

**PREDSJEDAVAJUĆA  
GRADSKOG VIJEĆA**

---

Snježana Vrhovac

## O B R A Z L O Ž E N J E

### I PRAVNI OSNOV

Pravni osnov za donošenje Odluke o istupanju Grada Zenica iz članstva Regionalne razvojne agencije za regiju Centralna BiH/Regionalne ekonomske zajednice „REZ“ d.o.o Zenica sadržan je u:

- **članu 8. stav 1. i članu 13. stav 1. tačka 16. Zakona o principima lokalne samouprave u Federaciji BiH** („Službene novine Federacije BiH“, broj:49/06 i 51/09):  
„Jedinica lokalne samouprave ima vlastite nadležnosti ustanovljene ustavom i zakonom i ima pravo baviti se svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu ustava i zakona“.  
„Gradsko vijeće u okviru svojih nadležnosti osniva preduzeća i ustanove za obavljanje poslova od interesa za jedinicu lokalne samouprave“.
- **članu 21. stav 19. Statuta Grada Zenica** („Službene novine Grada Zenica“, broj: 5/15):  
„Gradsko vijeće u okviru svojih nadležnosti osniva javna preduzeća i javne ustanove i druga pravna lica za obavljanje komunalnih, društvenih, privrednih i drugih djelatnosti od interesa za Grad, te odlučuje o njihovim statusnim promjenama u skladu sa zakonom“.
- **članu 332. i 334. Zakona o privrednim društvima** („Službene novine Federacije BiH“, broj: 81/15 i 75/21);  
„Ugovorom ili statutom utvrđuju se uvjeti, postupak i posljedice istupanja iz društva“.  
„Istupanjem i isključenjem iz članstva u društvu prestaju prava koja iz tog članstva proizilaze“.
- **članu 33. Ugovora o osnivanju Društva sa ograničenom odgovornošću „REZ“ d.o.o. Zenica, broj: 01-1/04 od 24.02.2003. godine:**  
„Članstvo u Društvu prestaje istupanjem ili isključenjem. Svaki od osnivača ima pravo da istupi iz Društva s tim da je izjavu o istupanju u pismenom obliku dužan da dostavi drugom osnivaču, odnosno ostalim članovima Društva, ukoliko su Društvu pristupila i druga lica. Smatra se da je član Društva istupio iz Društva kada je po uručanju izjave o istupanju svim ostalim članovima društva izvršena dioba-diobni bilans prava, sredstava i obaveza uključujući svu imovinu Društva, u roku od 30 dana“.
- **članu 58. Statuta Regionalne razvojne agencije za regiju Centralna BiH/Regionalne ekonomske zajednice „REZ“ d.o.o. Zenica, broj: 00-1/08 od 29.04.2008. godine:**  
„Članstvo u Društvu može prestati istupanjem člana iz Društva i isključenjem člana iz Društva. Za istupanje člana iz Društva primjenjuju se, pored Zakona o privrednim društvima, odredbe Ugovora o osnivanju“.

## **II RAZLOZI ZA DONOŠENJE**

Općinsko vijeće Zenica, na 46. sjednici održanoj dana 02.12.2003. godine, donijelo je Zaključak o pristupanju Općine Zenica osnivanju „REZ agencije“ d.o.o. Zenica, broj: 01-49-19402/03 od 02.12.2003. godine. Navedenom Odlukom data je saglasnost Općinskom načelniku da u ime Općine potpiše Ugovor o osnivanju Društva sa ograničenom odgovornošću „Razvojno-ekonomska zajednica“, „REZ“ d.o.o. sa sjedištem u Zenici. Ugovorom o osnivanju i Statutom Društva, pored ostalog, definirana su prava i obaveze Grada Zenica, kao člana i suosnivača ovog Društva.

REZ d.o.o. Zenica je Regionalna razvojna agencija koja djeluje u regiji Centralna BiH. Osnovana je 2004. godine, a kao platforma za osnivanje Agencije bilo je partnerstvo vladinih i nevladinih institucija. Osnivači su 15 općina, 2 kantona, 15 poslovnih udruženja, 1 međunarodna organizacija i 1 mikrokreditna organizacija. Agencija je osnovana sa namjerom unapređenja ekonomskog razvoja u regiji, a u skladu sa vlastitim interesima općina, kao njenih suosnivača i mapom puta prema Evropskoj uniji.

REZ Agencija, od osnivanja do danas, svojim radom i aktivnostima nije postigla očekivane rezultate, posebno u smislu unapređenja ekonomskog razvoja Grada Zenica (implementacija razvojnih projekata, privlačenje stranih investicija, realizacija programa koje finansira Evropska unija i dr.), iako izdvajamo sredstva za sufinansiranje operativnih troškova ove Agencije.

Pored navedenog, ističemo da Grad Zenica već ima Lokalnu razvojnu agenciju ZEDA, koju kontinuirano finansira i koja u kontinuitetu ostvaruje konkretne i mjerljive rezultate u oblasti podrške poduzetništvu, realizacije razvojnih projekata, privlačenja investicija, jačanja inovacijskog ekosistema i implementacije programa finansiranih od strane Evropske unije.

S obzirom na već postojeće funkcionalne i učinkovite razvojne kapacitete kroz ZEDA-u, kao i činjenicu da ZEDA neposredno doprinosi razvoju lokalne zajednice, potrebno je razmotriti namjensko i racionalno usmjeravanje budžetskih sredstava prema jačanju lokalne razvojne infrastrukture, umjesto finansiranja aktivnosti REZ Agencije koje nisu dale očekivane rezultate.

## **III OBRAZLOŽENJE PRAVNIH ODREDBA**

Članom 1. Odluke utvrđuje se istupanje Grada Zenica iz REZ Agencije d.o.o. Zenica.

Članom 2. se daje ovlaštenje Gradonačelniku za poduzimanje potrebnih pravnih radnji u procedurama istupanja Grada Zenica iz članstva u REZ-u.

Članom 3. propisuje se stupanje na snagu Odluke.

#### **IV FINANSIJSKA SREDSTVA**



Za provođenje ove Odluke nisu potrebna finansijska sredstva iz Budžeta Grada Zenica.

#### **V OBRAZLOŽENJE SKRAĆENOG POSTUPKA**

Ova odluka dostavlja se u formi prijedloga jer je riječ o kratkom i jasnom aktu za koji nije potrebno provođenje javne rasprave i dostavljanje u fazi nacрта.

Imajući u vidu navedeno, predlažemo Gradskom vijeću donošenje ove Odluke.

**OBRAĐIVAČ:**  
Služba za razvoj

  
**PREDLAGAČ:**  
**Gradonačelnik**  
  
Fuad Kasumović